



education

Department:
Education
REPUBLIC OF SOUTH AFRICA

**NATIONAL
SENIOR CERTIFICATE**

LIBANGA 12

SISWATI LULWIMI LWASEKHAYA (HL)

LIPHEPHA LEKUCALA (P1)

LWETI 2009

EMAMAKI: 70

SIKHATSI: 2 ema-awa

Leliphepha linemakhasi lasi-10.

TICONDZISO

1. Leliphepha lehlukaniswe tigaba letintsatfu:

SIGABA A: SIVISISO	(30)
SIGABA B: SIFINYETO	(10)
SIGABA C: LUHLELO NELULWIMI	(30)
2. Fundza tonkhe ticondziso ngekucophelela.
3. Phendvula yonkhe imibuto ngeSiswati.
4. Cala leso naleso sigaba ekhasini lelisha.
5. Dvwebela ekugcineni kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengobe tinjalo.
7. Shiya umugca emkhatsini wetimphendvulo takho.
8. Bhala ngebunono nangesandla lesifundzekako.
9. Caphelisia sipelingi/lupelomagama nendlela lewakha ngayo imisho.

SIGABA A: SIVISISO**UMBUTO 1**

1.1 Fundza letheksthi lengentasi bese uphendvula imibuto lelandzelako:

Busuku nemini bekacabanga ngalentfombi Ndlati. Abengati kutsi lisu lekuyincoba angahle alitfole njani. Bodzadzewabo besebehlulekile kumjubisa. Kwase kumkhanyela kutsi umlomo wakhe unesibiba, tandla setaphendvuka tidladla kantsi nemehlo akhe kungatsi sekwaba ngumcobhe nje. Ingani phela abetsi lapho ahlangana naalentfombi icasuke ife futsi kubonakale kutsi ayitentisi.

"Kodvwa icambe ishilo, ngeke ngidzele. Ngifuna kuyihlupha ite ingivume." Asacabanga loko kufike lomunye umcondvo lobewungakate sewumfikele phambilini. Wakhumbula lukhukhuva IwakaGoje labehlala eva tidvumo talo. Kwabuya kuye konkhe labekuve ngalenyanga nekutsi nawuse wefika kuyo, usuke sewuphumelele.

"Cha, ngeke, angivele ngicondze khona kusasa lokusako ngobe ..."

"Hawu mnaketfu, wakhulumu wedvwa njengeluhlanya kwertenjani? Usho kutsi lenkhulomo yentfombi yakaDladla seyikusanganisile? Cha kufuneka sale siyibona ngalamanye emehlo lendzaba." Ngudzadzewabo Ndlati asho amniketa lijingi kutsi amane abambe inyoka ngobe watsi sishwala akasikhanuki. Walutsatsa ludziwo Iwencwancwa waluphatsaphatsa kancane abuke ekhatsi kungatsi kukhona lakubonako.

"Ngabe ngiyajabula kube lelijingi ngilinikwa nguLomacala." Washo ngenhlitiyo aloku abuke ekhatsi eludziweni. Ekucedzeni kwakhe lelo jingi wacambalala sikhashane waphindze wavuka welula emadvolo wabheka ngasesibayeni. Wefika esibayeni wema wabambelela emahlahleni kwangatsi ubala tinkhomo lafuna tiyolobola Lomacala. Nakesuka lapho wabuyela elawini lakhe wefika wacambalala wabandzetela inhlitiyo leyaseyifutsa ngemandla.

Kusihlwa watisa unina ngeluhambo Iwakhe labesalulungisile. Phela uyise bekangasekho emhlabeni, ngako-ke tonkhe tinkinga telikhaya tase tibhekene nenina.

"Ngiyeva ndvodzana. Lokungimangalisako kutsi yona lentfombi iyodvwa yini kutsi ungaze uyiyele etinyangeni ngobe ingakutsandzi."

"Cha, uyabona wena make, lentfombi ngiyifuna la kulamabala eMatfombeni. Ngifuna kube ngiyo letakukhelela emanti ikubasele nemlilo. Ngiyo yodvwa lefanele lomuti waketfu." Lapho wakhulumu wate washaya phansi ngesibhakela kukhomba kugcizelela inkhulomo yakhe.

"Kepha bewucabanga kuhamba nini ndvodzana?"

"Kusasa loku, angisafuni ngibe ngichitsa sikhatsi. Ngiyetsema uyabona nawe kutsi kulesigodzi sengimi kuphela longakatsatsi kubontsanga yetfu." Lamavi ekugcina wawakhipha kabuhlungu Ndlati, pho liciniso alibalekelwa. Ngekusa lokulandzelako wavuka kuseluvivi wabamba lecondze kaGoje.

Endleleni bekahalakashela nje kwephuka emagala etihlahla kusindza lawo lacinile. Wahamba wate wayawungena angakaze atfole inhlupheko, phela umuti wenya awuphici nangabe ingiyo cobo hhayi lemiphuphe lehambe idla timali tebantfu mahhala. Ndlati watsi achamuka wavele watibona nje kutsi urike kamgodzi uyagcina. Bantfu baphambana bodywa kulomuti. Babodywa labaguce nemagabha netindziwo etaleni, babodywa labatitimisa emabhavu ekugezela, nabaya labanye emva kwendlu bayagatana kantsi nawutsi ubuka laphayi esangweni ukhangwa ngulabasingetse ludzengelo etiko bacapha. Empeleni kute lobuka lomunye kutsi wentani ngobe ngulowo ucondzene nenhlupheko yakhe.

"Uyacala kutewuphengula ndvodza? Ubovamisa kuhamba nalomunye. Buka nje sewuyabambelela." Yatsi kubhema, yatsimula, yabuye yachubeka.

"Ukhatsatekile ngalentfombi, kepha noko kutawulunga ungesabi." Wakhamisa umlomo Ndlati amangaliswa kutsi lenyanga ngabe seyive ngabani kutsi ute ngani.

Ndlati wentiwa yonkhe imigilingwane langatange ayibone seloku atalwa. Kulesinye sikhatsi bekafisa kubuyela emuva kepha kungasekho indlela ngobe vele sewungene kulamabhodo. Ekugcineni wanikwa tishuntjana letine labetawutisebentisa ekhaya njengoba atjeliwe.

"Cha nayingeke intjintje ingcondvo kuloku lengikubone lamuhla, ngitawubona kutsi ayiyodwa lentfombi?"

- 1.1.1 Sakabani sibongo saNdlati? Sekela umbono wakho. (2)
- 1.1.2 Chaza lenkhulumo lets "Ngifuna kuyihlupha ite ingivume". (1)
- 1.1.3 Yini lokufike engcondvwani yaNdlati ngalesikhatsi abuka ekhatsi edziweni leliphetse incwancwa? (1)
- 1.1.4 Caphuna inkhulumo lefakazela kutsi Ndlati bekakulungele kulobola Lomacala kuletheksthi. (1)
- 1.1.5 Unina waNdlati uyamesekela yini umntfwanakhe kulemitamo yekutfola Lomacala? (2)
- 1.1.6 Ngekubona kwakho likhona yini liciniso uma atsi Ndlati "Ngiyo yodvwa lefanele lomuti waketfu"? Sekela imphendvulo yakho. (2)
- 1.1.7 Yini lena beyicindzetela Ndlati kutsi afune kuyolobola Lomacala uma sibuka simo semmango wangakubo? (2)
- 1.1.8 Bhala kube kubili lebekwenteka emtini waGoje lokufakazela kutsi abeyinya mbamba. (1)
- 1.1.9 Chaza lamagama lalandzelako njengobe asetjentiswe kuletheksthi lengenhla:
 - A Lilawu (1)
 - B Intsanga (1)

- 1.1.10 Bumba saga ngelibito lelitsi 'lijingi'. (1)
- 1.1.11 Yini umehluko lokhona emkhatsini wenyanga nadokotela? (2)
- 1.1.12 Nawufundza letheksthi lengenhla, wena ubona kwekutsi Ndlati bayingambamba yini ingculazi? Usho ngani? (2)
- 1.1.13 Ligama lelitsi 'inyanga' lingasho lokunye lokwehlukile kulendlela leliisetjentiswe ngayo kuletheksthi. Shano lolomunye umcondvo waleligama. (1)
- 1.2 Fundza lesibonwa lesingentasi bese uphendvula imibuto letawulandzela:



- 1.2.1 Uma ubukisia lesibonwa ngabe umoya waso unjani? (1)
- 1.2.2 Bhala saga lesichaza lomoya. (1)
- 1.2.3 Ucabanga kutsi yini lebangela kutsi labantfu banyakate kangaka? (1)
- 1.2.4 Bhala tintfo letisetjentisiwe kuhlobisa lendzawo. (1)
- 1.2.5 Sinjani simo selitulu kulendzawo? Sekela imphendvulo yakho. (2)

1.2.6 Bhala tintfo letimbili letikhomba kutsi lomcimbi awukentelwa ekhatsi endlini kodvwa ngaphandle. (2)

1.2.7 Singahambisana kangakanani lesibonwa nalesaga lesitsi 'Emakhuba alingene balimi', uma ufundza lesibonwa? (2)

SAMBA SIGABA A: 30

SIGABA B: SIFINYETO

UMBUTO 2

Fundza letheksthi lelandzelako bese uyayifinyeta ngemagama langabi ngaphasi kwalangema-60 aphindze angabi ngetulu kwalangema-70:

- Cala ngekwenta luhlaka ngembikwekufinyeta letheksthi.
- Luhlaka aluvetwe ngalokucacile. Dvweba umugca lovundlile etukweluhlaka nawucedza kufinyeta. Uma ungakakwenti loku kutawumakwa luhlaka locale ngalo njengesifinyeto.
- Sifinyeto sakho asibe ngendlela yetindzima (emapharagrafu) **letimumetse emaphuzu lasikhombisa**.
- Sifinyeto lesibhalwe sangalandzeli indlela yetindzima asinawumakwa.
- Khombisa linani lemagama lowasebentisile ekugcineni kwemphendvulo yakho.

Bese kuphele iminyaka lemine Philip Sibeko agcina ekhaya. Solo agwinya li Pitoli nebumnandzi balo. Phela Philip wesuka ekhaya ayewufuna umsebenti kute asite umuti wakubo, ngobe batali bakhe bese bangenawo kahle emehlo. Wakubona kungemahloni kuyekela umuti wakubo wondliwa bodzadzewabo, yena akhona nekufundza afundzile. Washona khona kulemtsetfo lidolobhakati, kantsi kulapho atawushobela.

Babuka elukhalweni bantfu labadzala batsi encenyne angetfuke achamuka Philip, nani. Bebamkhontile Philip ngobe bekunguye kuphela indvodzana. Umnakabo lomkhulu naye wahamba kadzeni. Bekasebenta efemini yetinsimbi. Wagcotjwa yinsimbi enhloko kwaba kuphela kwendzaba. Nome bekangabuyi ekhaya kutewubona batali bakhe imali yona bekayitfumela tinyanga tonkhe. Kuleminyaka lemine kute nayinye leyase yengca angakatfumeli imali ekhaya.

Imali layitfumela ekhaya cishe ibe yincenyne yeliholo lakhe. Labadzala lena entasi ekhaya bebaphendvula bamtjele kutsi bayitfolile, babonge. Bebangaccini lapho bebabuta nekutsi akabakhumbuli yini. Lijinge likhale ngemsebenti lijaha. Pho iminyaka lemine? Bekangabhaleli bakubo kuphela Philip, bekabhalela naLomakhismisi intfombi yakhe. Bekayivusela ayibute kutsi isaphila kahle yini. Philip bekamtjelile Lomakhismisi kutsi uyamtsandza ngetulu kwetintfo tonkhe emhlaben. Wamcela kutsi amlindze.

Nakabutisia kwekutsi utawulindza kute kube ngunini, imphendvulo beyitsi "Nawungitsanza utawulindza". Nembala wahlalela kona kulindza. Kona bekubonakala kutsi luyavutsa lolutsandvo ngaye. Kunekutsi angene etilingweni nasetingcakini, wabona kutsi kuncono atinikele ekukholweni Lomakhismisi, tintfo titemhambela kahle. Wakwenta loko ahamba tinkonzo. Wetama kukhohlwa nga Philip ngobe sekumkhanyela kutsi lomuntfu umshaya ngemfe iphindziwe. Bese kuphele iminyaka lemitsatfu solo abeketele Lomakhismisi. Kutsite nakacala webune umnyaka wabona kutsi kuncono aye ku Philip ayomfuna. Kunini ahlushwa ngemaphupo nenkhumbulo ngemuntfu lamgcina kadzeni?

Ekhaya wabatjela kutsi uyabuya kukhona lapho asafuna kuya khona. Amange bamhluphe, wahamba wacondza lapho kugitjelwa khona emabhasi wahlala walindza. Besekuyinsimbi yenkhotsa ntsambama solo kungabonakali lutfo lolucondze esiteshini sesitimela eMalelane. Kutsite naseyitawugabanca kwachamuka imoto lendze wasondzela, wacela kutsi bamekhwete.

SAMBA SIGABA B: 10

SIGABA C: LUHLELO NEKUSEJTENTISWA KWELULWIMI

UMBUTO 3

Fundza letheksthi lelandzelako bese uphendvula imibuto letawulandzela:

Liculo laMalaika, intsandvokati yelusha, lelitsi: *Destiny* lashisa tikhotsa kantsi nanyalo lisavutsa umlilo. Nalidlala ubona bomajayivana banyakatisa tinhloko netinyawo. Nakushaywa liculo leMafikizolo lelitsi: *Sibongile* ubona bantfu banyakatisa titfupha. Uvele ubone kutsi kuyafiwa lapha ngemculo, phela lapho imbita iviwa ngelutsi. Ucabanga kutsi kuyophuman-ke uma lamaculo sekadidiywelwe kabusha. Lapho kuyophuma luju lodvwa, silwane lucobo Iwaso. Lamaculo ngulamanye latfolakala ku-CD lehlanganise baculi labasetulu kuleli labashaya ngetigci letehlukene.

Le-CD Ieyatiwa ngekutsi yi-CD 4 kucondvwe ngayo kwakha sikhwama lesitawusita bemikhakha Ieyehlukene. I-CD Ieyaphuma nga-2004 i-Coca Cola Collaboration, nayo ihlanganise baculi bemikhakha Ieyehlukene. Mxo naye ufake sandla ngengoma ladvuma ngayo lets: *Sister Kunjani*.

Kushisa kwale-CD kuhambisana nelisu lemikhankhaso yenhangano yetigayigayi letilwa nekubhehetseka kweligiwane lengculazi iTreatment Action Campaign (TAC). Imali letakwentiwa ngekutsengiswa kwayo itawunikwa lenhangano kute ichube imisebenti yayo. Sitsi Halala! Baculi bakuleli abaye phambili!

- 3.1 Khokha umusho lokuletheksthi lengenhla locuketse luvelomagama lolukhomba kujabula nekutsakasa, bese udvwebela loluvelomagama. (1)
- 3.2 Khokha imisho kuletheksthi lengenhla lecuketse letinongo tenkhulomo letilandzelako:
- 3.2.1 Sihabiso (1)
 - 3.2.2 Sifanisongco (1)
- 3.3 Endzaweni yeligama lelidvwetjelwe faka mcondvofana walo.
'Kushisa kwale-CD kuhambisana nelisu lemikhankhaso yenhlangano yetigayigayi letilwa nekubhebbetseka kweligciwane lengculazi.' (1)
- 3.4 Tsatsa lesisho lesidvwetjelwe lesitsetfwe kuletheksthi lengenhla wakhe ngaso umusho kuveta kutsi inchazelo yaso uyayati.
'Mxo naye ufake sandla'. (1)
- 3.5 Ligama lelitsi silwane lilibitomfutiselo. Akha wakho umusho lonelibito lelingenya ngaphasi kwalelibitomfutiselo bese uyalidvwebela. (1)
- 3.6 Phindza ubhale lomusho lolandzelako lotsetfwe kuletheksthi lengenhla, bese ufaka libintana esikhundleni seligama lelidvwetjelwe.
Nalidlala ubona bomajayivana banyakatisa netinhloko. (1)
- 3.7 Phindza ubhale lomusho esikhundleni seligama lelidvwetjelwe faka ligama lenhloniphoo.
Nalidlala ubona bomajayivana banyakatisa tinhloko netinyawo. (1)
- 3.8 Ngekubona kwakho, yini lebangela kutsi lamagama lalandzelako latsetfwe kuletheksthi lengenhla abhalwe ngalokutjekile?
Destiny, Sibongile na Sister Kunjani. (1)
- 3.9 Sebentisa lesaga lesilandzelako lesitsetfwe kuletheksthi lengenhla emshweni kute kuvele kutsi uyasati kutsi sisho kutsini.
'Imbita iviwa ngelutsi.' (1)
- [10]

UMBUTO 4

Fundza letheksthi lelandzelako bese wenta umsebenti longentasi:

Tikhatsi telusha tisho kuhlala utilungiselela likusasa lelihle. Kuhle phela kutilungiselela kusenesikhatsi ngobe konkhe ukwentisia ngendlela lefanele. Batali betfu basitjela njalo kutsi imphumelelo iyasetjentelwa. "Nangabe nivale tikolo, nibofundza phela majaha," kusho umceceshi. Bantfwana bona bafake titfush*ana* emilonyeni balalele lenkhulumo yemceceshi wabo. "Kufanele nibuyele esikolweni ngobe sikhatsi asikemi. IMphumalanga iyanidzinga. Benikuyati nije loko maAfrika."

- 4.1 Sebentisa libito, 'umceceshi', emshweni libe ngumentiwansombo. (2)
- 4.2 Bhala lomusho lolandzelako ube yinkhulumombiko.
"Nangabe nivale tikolo nibofundza phela majaha." (2)
- 4.3 Shano umsebenti walesakhi lesidvwetjelwe kuletheksthi lengenhla. (1)
- 4.4 Unikwe sichazamagama kwekutsi ucwaninge ligama lelitsi '**bantfwana**'. Ngekwasichazamagama ngabe iyini imvelaphi yaleligama? (1)
- 4.5 Shano umsebenti wesabito selucobo kulomusho lolandzelako:
Bantfwana bona bafake titfushana emilonyeni. (1)
- 4.6 Shano umcondvo loletfwa ngunati takhi letidvwetjelwe kulemisho lelandzelako:
 - 4.6.1 Konkhe ukwenti*sisa* ngendlela lefanele. (1)
 - 4.6.2 Kufanele nibuye*le* esikolweni ngobe sikhatsi asikemi. (1)
- 4.7 Caphuna bunikati bube bubili kuletheksthi lengenhla bese ubusebentisa emishweni lotakhele yona. (2)
- 4.8 Ligama, '*tikolo*' lilitomfakela. Shano lokwentiwe kulelibito kuze lemukeleke kahle eSiswatini. (2)
- 4.9 Phindza ubhale lomusho lolandzelako kepha uvete umcondvo lolandvulako (lophikako)
Batali betfu basitjela kutsi imphumelelo iyasetjentelwa. (1)
- 4.10 Bhala indlela yesento lemumetfwe ngumusho ngamunye kulena lelandzelako:
 - 4.10.1 Nibofundza phela majaha! (1)
 - 4.10.2 Kuhle phela kutilungiselela. (1)

- 4.11 Shano sizatfu lesenta loluhlavu lolumnyama kulomusho lolandzelako lubhalwe ngafeleba.
'IMpumalanga iyanidzinga' (1)
- 4.12 Phindza ubhale lomusho lolandzelako bese ulungisa emaphutsa elulwimi, ubuye ufake tiphumuti lapho kufanele khona:
'Benikuyati nje loko maAfrika. (3)
[20]

SAMBA SIGABA C: 30

SAMBA: 70